


## Ўлимни эсла!



ISLAM  
ISLOM.UZ

17:00 / 06.05.2022 6768

Басралик бир киши дарвешона ҳаёт кечирарди. Кейинчалик у мол-дунёга мойил бўлиб қолди. Чиройли уй қурдирди, гиламлар тўшаб, турли жиҳозлар билан безади. Сўнгра зиёфат уюштириб, ширин-ширин таомлар тайёрлаб, одамларни чақирди. Мехмон келиб, еб-ичишиди, иморатни томоша қилишиди. Мезбон қурган уй ҳаммага ёқди. Ниҳоят, одамлар тарқалишиди.

Кунлардан бир куни у дўстлари билан майшат қилиб ўтирган эди, ҳовлисининг четидан бир овоз келди:

Эй ўлимни унутиб, иморатлар қурувчи!

Унутмагин, ўлим ҳақдир, албат у келгувчи.

Махлуқотни огоҳ этар, ибрат эрур уларга,

Орзулар олдида ўлим тўсиқ эрур аларга.

Токи абад яшамассан, қурмагилки иморат,

Тақвога қайт, гуноҳларинг қилингайдир мағфират.

У киши бу овозни эшитиб, бақириб юборди. Атрофидагилар ҳам қичқириб юборишиди. Ҳалиги одам дўстларига: «Мен эшитган нарсани сизлар ҳам эшитдингизми?» деди. Улар: «Ҳа», дейишиди. У дўстларига қараб, «Сизлар менинг ака-укаларимсиз, биродарларимсиз. Айтинглар, нима қиласми?» деди. Улар: «Сен нима десанг, шуни қиласми», дейишиди. У шаробларни тўкиб ташлашни буюрди. Кўнгилхушлик қилинадиган ҳамма нарсани уйдан чиқариб ташлашди. Кейин у: «Аллоҳим, мен Сени ва мана шу ердаги бандаларингни гувоҳ қилиб айтаманки, барча гуноҳларимга тавба қилдим. Беҳуда ўтказган қунларимга пушаймонман. Ўзингдангина сўрайман, эй Роббим, қолган қунларимни Сенга тоатда ўтказиш неъматини менга тўлиқ қилиб бергин. Жонимни олсанг, фазлу марҳаматинг билан, гуноҳларимни кечирган ҳолда олгин», деб ёлворди.

Фуқаҳоларнинг айтишича, у киши тавбасида событ турган ҳолда вафот этди.

**«Солиҳлар гулшани» китоби асосида тайёрланди**